

封邱縣志卷二

建置

粵自易勒鼎建春秋紀城城書立廟綱目書宮室則建置誠重矣然而建置非聖人不得已也爲民社也中原四戰無防禦之阻唯是崇墉堙谷足代之險乃體險守國則在司牧於是官廳

合巖隔上下頒布政教以至庇民捍患則重祀奠表閭旌賢則先建豎卽細而廩廡邱隴靡非民僉存亡一邑興廢所攸繫者用皆列之建置然而及存或廢缺圯固尚多也槩存之者何靳修復也勞

封邱縣志

卷一

一

民靡費君子惜之誠有利於民社則庀材鳩工聖人所不廢也故曰使民以時以佚道使民雖勞不怨今修廢舉墜經畫伊始次第增所未備且盱俟之矣

城池

封城西漢時建元至正淪於水洪武元年再建成化二年知縣王輔重修立五門宏治二年復圯於三年知縣袁仕增修正德六年知縣張守增修

立門數

東曰通濟南曰鎮河西曰拱行北曰連衛東北曰朝闕

城圍五里七十

步高二丈七尺廣一丈四尺池深也尺濶一丈三尺

六年知縣李呈明將軍城用磚石包修頗稱完固高三丈廣一丈九尺萬歷三年知縣胡以祚挑濬護城河五門各置吊橋可爲一方保障三十六年知縣趙浩重修萬歷四十年知縣張鯉重建城東北門樓并門外橋四十三年知縣王策重修東門外橋詩曰築城伊馘作豐伊匹故有國者必先立城郭溝池以爲固所以藩衛斯民捍禦外侮也國初城止高八尺迄今漸增崇峻若此設險以守誠易易矣然往歲流賊犯境三至不能入者猶然舊土城耳又匪直城郭溝池之是恃者抑別有所以爲固者耶噫封爲

封邱縣志

卷一

二

梁蔽昔寇恂馳温以救洛今鳳山全封以捍梁儻于有事之日預以恩信結固民心於先而需此堅城捍撤於後寧直一邑賴之耶

按封城自順治九年河決毀於水初四門樓櫓雉堞猶有存者近傾圯日甚磚甃剝落殆盡卽土壘亦漸欹斜矣夫封雖彈丸邑而北接天雄東界青兗名城兀然爲中土北屏鑿斯築斯似亦非迂濶不經者但封民蕩析之餘哀鴻甫集增陴浚隍不貲之費有非旦夕能辦者經營區畫是在

當事者另爲綢繆耳

官署

縣治在城內正中善政街洪武元年縣丞秦世傑建

宏治八年知縣袁仕嘉靖五年知縣龔治隆慶六年

知縣李呈明相繼增修 正堂 三楹扁曰 萬曆三十

三年知縣陰象坤重修 儀門 三楹內有勅諭坊牌

譙樓 三楹卽大門 後堂 三楹扁曰 戒石亭 勒勅諭爾俸爾

民易虐上天難欺後改亭為坊 旌善亭 三楹縣右凡民間孝子順孫

以示勸勵 萬曆二年知縣胡以祚重建三十三年知縣陰

象坤重修 申明亭 三楹縣左凡民有作姦犯科則

里長在此會斷民間戶婚爭鬪之事 寅賓館 三楹儀門外東 萬曆二年

封邱縣志

卷一

三

知縣胡以祚創建三十三年知縣陰象坤重修 角

門 東西各一 鸞駕庫 官物庫 架閣庫 吏房 馬科

承發司 東書房 縣宅東周圍池水由木橋通至 獄司 倉房萬

曆四十年知縣張鯉重修 大戶房萬曆四十年知

縣張鯉重修 知縣宅 縣堂後 縣丞宅 縣正宅西 主簿宅 縣正宅

宅東 典史宅 縣正宅東南

封署自九年河決悉毀時知縣宋翔聞堤潰携家登

城樓避水水初主聲如轟雷官民盧舍頃刻圻裂樓

亦隨毀遂乘筏渡去寄署於西南三十里之于家店

知縣余 於順治十四年冬 縣署凡正堂

門後堂內宅主樓庫樓架閣兩廊等房舍皆以次第落成所未備者唯譙樓及旌善等亭耳是役也從洪流席卷之餘又值河工困弊之後經營鳩庀百倍艱難有不可與尋常興建同日語者後之臨是署者其亦無忘慘澹之力云縣丞主簿宅皆塌毀未建獨典史宅先完係今典史張學捐資自造

察院在縣治東南洪武初縣丞秦世傑建嘉靖五年知縣龔治隆慶六年知縣李呈明萬歷三十四年知縣劉民裕相繼重修荆隆口察院萬歷四十年知縣張鯉重修

封邱縣志

卷一

四

順治九年河決衝毀今議重修

布政司在縣治西南一名府館今河捕廳同知住劄洪武初縣丞秦

世傑建嘉靖五年知縣龔治李呈明萬歷三十六年知縣趙浩相繼重修

順治九年河決衝毀今議重建

按察司在縣治西南舊在普照寺趾基治二年知縣張天

衢遷於西南隅

順治九年河決衝毀今議重建

官廳四一在荆隆口一在翟家口二在于家店萬歷二年知縣胡以祚建萬歷三十九年知縣張

官廳止荆隆口尚存三楹而餘 毀廢莫

巡檢司在中灤城洪武三年建今革 中灤城近荆口乘傳至此

遇盜巡檢司宜設 新庄驛在縣東南二十五里洪武二十三

年建正統十三年革 新庄驛半屬祥符半屬封邱 中灤驛在縣西

南二十五里永樂十年建正 十二年革 今渡口所俱移荆

隆口馳傳如昔封邱協濟而驛則廢 稅課司在縣治左宏治十七年革

陰陽學在縣治右洪武十七年建萬歷三年知縣胡

以祚重修四十年知縣張鯉重建

醫學在縣治右洪治十七年建萬歷三年知縣胡以

祚重修四十年知縣張鯉重建

封邱縣志

卷一

惠民局在縣治南 僧會司 道會司 演武場在

縣南門三里隆慶四年知縣朱希顏建

養濟院在朝闕門內隆慶五年知縣李呈明重修

急遞舖八

總舖在縣治前東南曰竹村曰新庄西南曰辛口曰于家店西北曰留村曰應舉曰

史 以上俱於順治九年河決衝毀今議重建

朝廷張官置吏以為民也然居必有常所行必設邸次則

官署胡可緩也稽夏后氏五室堂三殷人重屋四阿

周因差其制以為州牧宮室之創下及廬閭皆有攸

處乃綱目 而不錄 架者何哉若曰建官

者正以奠民居也是 表昕攸 且召

南國寄愛胡潛以東壁遺思有令人睹署舍而歌者所係豈微哉昔馬光祖典郡興建最廣而終不良牧之名盖節靡裁侈興所當務而已若秦人無廬則其永鑒也

野史氏曰輿臺僚隸各有寧居而後可以集事矧出宰百里者乎封署素稱軒爽前令屢輯之故事逸而工速今河患之餘官民廬舍蕩然無遺公私物力又處極困非但貿材鳩工煩長吏之早作夜思卽區區公旬力役之征有至艱難罔措者盖樽節愛養爰致子來披荆剪棘以肇營室其勞逸實相倍蓰也

封邱縣志

卷一

六

廟祠

城隍廟

五楹

在縣東街南向城內居中洪武五年縣

張宗海建宏治十一年知縣袁仕

令邑人劉鐸

重建萬歷

十一年知縣郝國章重修

方亭一座扁曰真司靈應大門二門各三楹二門

建樓東西廊各七楹後寢室三楹東通錫印宮

順治九年河決廟全毀知

縣余縉重建後殿五楹邑人周維昇等續建樂樓三

楹餘寢室廊廡次第修舉

王廟二一在縣西街北南向永樂九年鄉人賀繼

建萬歷十一年知縣張澣增修二十六年貢士邊

落等重修

大門二門及前厦各三楹二門上建樓

順治九年河

決灌城廟全毀現議重修一在神馬村北二堤

總河尚書楊

巡撫都御史亢 捐資新建與大王廟決口南北

相對盖二公所建以祈永奠隄防者也

玉皇廟 三楹 在縣東郭外西向邑人李尚志等建萬歷

三十七年邑人知縣范鎬等重修 大門及前厦各三楹南有王靈廟北

有三清廟 順治九年河決全毀

元帝廟 三楹舊名大虛觀 在縣北關南向邑人孫承先等事

建 大門一座三楹東西廊各五楹東 順治九年河決全毀

東嶽廟 三楹 在縣東關街北南向永樂八年邑人劉俊

封邱縣志

卷一

七

等建萬歷三十五年邑人劉志忠等重修 大門一座三楹上建

樓 順治九年河決全毀

河瀆祠在縣西南二十里荆隆口宏治九年副使張

鼎建每歲致祭設祭田八十九畝 今春秋致祭田廢

廟後古槐二章夏月陰翳蔽日規制頗宏敞有張副

使治河碑記

火神廟 三楹 在朝闕門內街北南向萬歷二年縣丞

世宦重建萬歷三十七年庠生孫繩武等重修 大

三楹上建樓 河決全毀今議重建

土地祠 二楹 在東街北城隍廟右萬歷三十九年邑人

姬可久等建

門樓一座

河決悉毀今議重建

龍王廟

三楹

在縣南門外萬歷三十年同知錢景醇

門樓一座

四大王廟二一在縣西南二十里中灤鎮至元十

年鎮民劉忠等建後河決廟毀

一在神馬村大殿三楹畫棟雕甍金碧巍煥中門

以周垣山門設鐘鼓俱極壯麗河道方大猷建廟

卽順治九年決口處也旁右廟祝房二所東卽管

道公館祠額曰功奠元圭戶部尚書戴明說書

三官廟

三楹

在西關東向萬歷二十四年知縣王三

封邱縣志

卷一

八

重修

貢士邊之藩監修門樓一座

河決全毀

晉王祠

三楹

在縣西南小斗門舊名屯固村鄉人所

祀晉王李克用也 唐末朱温據汴河北群盜

氏被俘掠最慘王以晉陽兵屯留茲土邑 獨全

設民德之今廟雖近頽鄉人春秋賽祀歌舞不輟益

田王坊德深厚亦徵封民之感澤奕世弗衰云

二郎廟在西街南洪武二十五年邑人閆秦建

門樓一座

今

神廟

三楹

在縣治儀門外西萬歷三十三年知縣

坤重修

門樓一座

河決毀今重建

獄神廟在縣獄內萬歷四十年知縣張鯉重修四十二年知縣王策重修 河決毀今議重建

陳平廟在縣西北吳村永樂二十年村人劉順等建今廢

百里刺史祠 三楹 在縣東五里廟岡至大十年建成化

八年知縣計璠置祭田二十畝 田今廢

今祠圯已以議重建以崇先賢尚未果也

馬神廟在縣東萬歷四十二年知縣王策建 三楹門樓一坐

廟今廢議重建

翟母祠在城內縣治西遺址前有井井今尚存邑人

封邱縣志

傳謂淘井可得雨嘉靖二十年歲大旱知縣朱縉懇

禱淘井果大雨滂沛邑人徐圖等建祠以祀之今圯

按祠前井數經河患未堙似亦有神異者今議作亭其

上以表賢母故里

三清廟在縣東北門外 舊為三教廟慈谿孫應元在封講學啓知縣張鯉移孔子

於文廟改口 三清廟 今廢

社稷壇在縣西門外磚砌

風雲雷雨山川壇在縣南門外磚砌知縣龔治重

祠在縣南門外嘉靖五年知縣龔治建

壇在縣北門外 或疑滌朝

以上諸祠 治九年

張公生祠在荆隆日爲按察司管 則使

張公生祠在儒學南爲知縣張守建

龔公生祠在西門外爲知縣龔治建

詹公生祠在東門外爲知縣詹頤吉建

陰公生祠在縣治西爲知縣陰象坤建

張公生祠在西門外南向邑人爲知縣張鯉建

高公生祠在縣治西南向邑人爲知縣高有

語云改定神祇上儀也欽修百祀咸秩也故周有羶

幕鞮鞞氏以司祀事盖神爲山川民社之主庇國捍

封邱縣志

卷一

十

患全邑實陰賴之弗可緩也左氏曰以死勤事則祀之以勞定國則祀之苟其前世有功德於民則亦惡容湮沒而不載在祀典乎且務民義而敬鬼神其道一而已矣有爲民爲國之思者自不得忽裡薦爲具文也

按以上諸祠亦先賢衣冠俎豆之遺而今悉毀廢矣夫召棠因樹而思人峴豎存碑而墮淚餘愛在人几忽替嗣此者能無喟焉嘆興乎

寺觀

在縣東南隅正德二年知縣熊鎮重建 崇興寺 在

寺在縣東三里永寧寺在縣東三里寶峯寺在縣東三里陡

山寺在縣西南五里龍泉寺在縣西北二里石佛寺在縣東五里

舉寺在縣西南十里大道寺在縣西北三里南宮寺在縣西北二里薦

福寺在縣東十里清源寺在縣西北三里三臺寺在縣西北二里

恩寺在縣西南三十里觀音寺在縣西南二里崇福寺在縣西北二里釋

院在縣東北三十里洪量寺在縣西南五里觀音堂有二一在門外一在

西南隅白衣觀音堂有二一在東門外一在西南秦山行宮在北

外錫印宮在東街北城隍廟東

綱目凡國邑立廟非其族類晦菴氏必譏之戒淫也若曰徒為是靡費民財瀆神而不可為也然廟

封邱縣志

已具而必議毀滅以謝希逸則非善學狄梁公者矣
天地道大釋以清淨老以靜虛吾儒以靜專動直
之自聖人視之二氏皆我一得可藉以勸善而勵
者但愚民舍民爨而動欲邀福於神是之無取於
壇建祀云耳

按以上諸寺院皆頽廢有僅存其故址者然邑無名山
邃壑非崇修宗教之地盛衰消息任其自然可已

倉庫

官庫即常平倉在縣治寅賓館前萬歷四十年知縣張鯉

重建 順治九年河決毀今議重

預備倉

舊止存谷五百石萬歷四十年知縣張鯉積補谷二千石

在縣西南隅洪

武十七年建隆慶五年知縣李呈明重修萬歷三十

九年知縣張鯉增修添置廩房一座牌房一座

萬歷三十

五年添設倉吏一名舊審縣民大戶一名膺斗級賠累不堪萬歷三十八年知縣張鯉申請裁革斗級另

石募人充應

順治九年河決毀今議重建

義倉有三一在北後街街北宏治八年知縣袁仕創

建一在荆隆口一在留光集

按此即朱子社倉法也有在城有在鄉欲民受賑者

各從所便耳今倉廢而法亦以隳有心濟世者可不

亟圖修舉乎

封邱縣志

卷一

十一

庫樓二座在縣堂東西

今東有庫樓西止庫房

隆慶五年知縣

李呈明創建 順治九年河決毀十四年知縣余縉

重建

昔賈生有言曰蓄積者民之大命也王制國無九年

之蓄謂之不足况蓄積不及調歲何恃而無恐往富

鄭公為吏置救荒之策至今膾炙人口大要不過捐

賑平糴二事而已然欲備賑施待荒歉活民於數十

年之後非預為積貯不可封都鄙郊野積金可充歲

幾積粟可充歲幾設有歲時旱潦計將安出 有國

計誠惟是疆本節用是務儻更議積滿之方

棗屯田

法

可採而行之以益廩粟否

按常平儲粟之法近亦講求者屢矣然通都大邑所積無幾而鼠雀耗之至於出陳納新以備朽蠹法非不善而奉行不得其人徃徃厲民過於青苗儻質是又不可不防其流漸也封民貧瘠在豐亨大有之年先賢尚憂無卒歲之計矧今河患之餘家鮮蓋藏萬一年穀不登公私交匱其害有不可言者語云備於豫而後可以應猝有識者宜亟為之計耳

坊樓

封邱縣志

卷一

十三

崇節愛坊在縣治前

萬曆三十三年知縣陰象坤修

萬古文明坊在儒學前

萬曆三十二年知縣陰象坤修

威靈感應坊在城隍廟前

萬曆三十八年知縣趙浩修

以上諸坊俱河決衝毀俟重立

東街

監察御史

為監察御史李振綱立

上林春色

為上林苑監永劉嘖立

戶部

尚書

為戶部尚書黃紱立知縣張鯉重建

大都憲

為全都御史黃紱立

世科

為舉人高

亮高進立

光裕

為知州賈宣立

文英

為舉人劉衍立

南街

世科

為舉人劉瓚劉繼德

壬辰進士

為兵備副使陳立

貢節

為生員彭儀妻

重修

西街

棘寺霜威為大理寺評事劉繼德立 恩褒三代為誥贈山東叅政邊鴻邊實山東右

布政使加太僕寺鄉邊有猷立 甲戌進士為甲戌科進士邊有猷立 亞元為經魁陳俎立

北街

納言為左通政劉繼德立 重光為舉人方顯方正立 紹芳為監察御史方德懋立 綉衣為監察御史方德懋立 鳴鳳為舉人吳雄 世科為舉人韓瑾 飛騰為舉人

人韓立 孝行坊為孝子陳瑛立 以上諸坊俱河決毀訖

蓋自周有鄉大夫之職考其國中賢者能者則賓禮之獻書於王勒名天府而又表於鄉閭以寵異之此

封邱縣志

卷一

十四

坊樓所自始也至孝友貞烈勁節若名炳燿一時的歷千載亦當與甲第共揚以風勵來世者以是搜列並載以俟後人飭葺用識先德弗朽爾

按坊樓自明季萬歷以後鄉先達多未建立蓋時方多事帑藏日匱表閭旌宅之典漸從裁節故也迄

國朝鼎興士之奮附風雲者多銘功太常志續鍾簏而建坊之役尚多未逮亦以大難初夷賢人君子猶謙讓不違耳乃封土不造新坊未立而舊坊已委逝波邱墟板蕩之餘致先輩寵榮茂烈無所復覩可慨也夫

閭鎮

啓明鄉 里仁鄉 南薰鄉 宏道鄉 恒德鄉

長庚鄉 通元鄉 精義鄉共八鄉 黃陵社 板堂社

賈色社 李雄社 北侯社 馬村社 潘固社

東吳村社 陳道社 治安社 盤邱社 淳于

社 西吳村社 沙堽社 付固社 史固社

保和社 天鷲社 時文社 辛口社 留儀社

東斗社 西斗社 東姜社 神馬社 南邢社其二

社十六 中灤城 于家店 荆隆口 平邱城 楊村

王村 李村 孫村 留村 應舉 韓村 桑

村 居廂 龐村 胡村 張郭村 閻村 曹村

封邱縣志

竹村 蔡村 毛村 耿村 大張村 七城村

廟岡村 高家庄 孟家庄 黃家寨 趙采

柳橫 柳園 馬臺 皮固 瓦窑 潘店 中宮

店 劉固 桃陂店 新安集 黃村營 水驛

陡門 大村 祁村 永頭村 馮村 劉光集

辛興集 丈八村 黎林庄 李家庄以上村落舊志所及

耳目所覩記者載之餘未及載

右有修閻氏掌與地 比 族黨罔不登載覽

以周之境地廣狹人民萃渙 礪民 誠重

然林釋之論州郡於人 則無取焉

蓬葦反多畸人所發跡往往寄興幽遐林棲野處
有不可泯滅而無聞者耶故書鄉鎮者異與人俱顯
也若夫日中之市貿遷有無出入相友使百姓親睦
則教固行於其中矣

按封之鄉鎮村落自崇禎庚辰後歷歲奇荒兵燹丁壯
轉徙老稚溝瘠房舍焚毀殆盡入

本朝稍有起色而七年九年連歲河決犛犛子遺復竄
迹外壤爲人力田及河工告竣而室廬蕩然無復故
園景象矣當此萑葦荆棘中刺草植穀數椽弗蔽風
雨故家大族或化僑不能自全通邑至繁村疇居民
不滿百家凋殘零落於斯極矣有生聚教養之責者
當若何噢咻之哉

堤廠

議城堤周圍十一里頂濶一丈高如之宏治八年知
縣袁仕創築先是河決荆隆口灌封當事者議遷封邱於蔣村鎮不果乃築外郭以禦水
惠今護城是也正德十三年知縣張憲復堞垣墻於上高

八尺厚三尺嘉靖二年知縣龔治於西北堤口各置
望樓一座以備兵患且可瞭望云近日河流高於平地堤岸一決勢如

建瓴傾瀉直至夜則不汶舊宏治二年河決直灌堤內水抵下者自此也截復治望樓非

樹築不亦然萬歷三年知縣胡以祚重修築樹

大門七座縣扁其上東曰永綏南曰永保西曰采
鎮北曰永賴永靖東北曰永豐堤圍墻下栽樹萬株
後堤外皆砌石橋規制宏敞名曰護城堤實與重城
無異矣萬歷四十八年知縣宋學道見堤勢日捐河
流益高深憂之力請於上發銀募夫加築高一丈八
人濶一丈五尺既而崇禎四五年荆隆口連歲潰決
封城恃以無恙人咸服其先見至順治七年河決朱
源寨直衝封城時黃流圍繞淤土漸與堤平兼浸漬
日以堤內積水日深里巷往來皆以舟筏至九年大
王廟口復決水遂越堤灌城而築垣居水中之喻於

封邱縣志

卷一

十七

茲大驗矣今城外淤土高丈許舊堤祇存顛脊議者
云修城必先修堤蓋堤可以禦暴水而既築之後尤
不可不歲加修葺以防漫溢也不然則河流高於城
塚而荆隆神馬中灤于家店一帶距邑不過數十里
其堤防善潰自古爲患封何恃而無恐哉

長堤

一云
大堤

在城南十三里高可三丈頃濶一丈五尺

起荆隆口迤邐東南直抵徐州宏治六年都御史

大夏平江伯陳銳副使張鼎所築

河溢于家店
荆隆口累歲

東決運道上遣劉大夏等塞治
河口復築長城以禦河患

荆隆口之東西

餘里黃陵岡之東西各三百餘里又以

重以禦之

悉 南民兵 束薪蒸以千 萬計郡
統治之乃 獲成功塞河堤口至今

防守

按長堤一名小長堤自朱源寨決後河道方大猷復勅
築大堤於小長堤之南東起祥符之陳橋西訖封之
荆隆口計三十里高濶倍於故堤盖北岸迤邐窪下
苟避河北徙則地勢愈卑河憑高潰十無可復禦故
不得不漸南以拒之然而束之益隘捍之益怒將來
潰溢之患更可寒心耳

董家堤在城西二十里高五尺濶亦如之歷來有此

封邱縣志

卷一

十八

堤障禦黑洋山水

黑洋山在陽武縣境內

又靈潦之水西來并

順堤北注入沁衛二河萬歷三十年堤口冲決數十
丈至今未塞每霖雨旬日則黑洋山水合古潭口水

輒流入封邱

是水西來環抱城郭北西亦浸澤也但封無水田東西滄沒八九十里有害禾

稼今因城邑近地被浸議築塞舊堤復於堤西畧濬舊渠令仍北注水歸故道又綱目及一統志僉云自開封府東至千乘海口千餘里歷代築堤以禦河患通謂之金堤漢孝文時河決酸棗東潰金堤即北堤也長垣延津志俱載金堤獨封邱志未載今姑識此以俟後人考實次記不敢以所疑遽人

按董家堤係祥符境而前志載之者以其遏禦西

稗封疆也今堤毀已盡勢難更築近議又欲

以備河不知太堤

屬

築

各隨其宣今使

有餘財民有餘力於臨河大堤加工修築務令高
數倍足資防禦是即金堤太行堤也亦何事訪求
址奪民田園廬墓舍切近之保障而從事迂遠廢便
利之工作而更滋勞費乎至封土平行無川澤陂池
之利每夏潦秋霽蓄洩靡地多至泛溢傷苗稼則修
溝洫之制以營水利似亦無容緩也

草廠在于家店宏治九年建設每歲辦買稍草積置
廠中以備河患捲埽支用舊設廠夫四名收支審邑
中富民充之賠累傾家者十常八九

舊日廠甲稍草堆積如山支用

封邱縣志

卷一

十九

蓋數年霖浸漬多至涸爛舊例悉令廠夫包賠
遇督河使者迨徵遂至傾家鬻產按稍草五年以

涸者免包賠 萬歷四十一年議革去廠夫另召募人應

歲給工食又議添設廠大使一員監管以防侵弊

此法民甚稱便宜決行之

萬歷三十年同知劉因河患急緊暫請發銀千餘

兩令民辦買稍草載送廠中備用後遂為例然河患
有無難料而稍草用與不用亦不可知時俱荒歲價

增倍且如往年載送朱旺日三百餘里賠苦不堪
此稍草量宜稍減如河水驟盛用急軌借

草治其用急亦以是廠所積與之此舊宜
之計不至委積無用且免涸爛包賠在典守

人之弊而巳至修堤銀兩多寡原無定
毛諸發斷不可減也

遞以河勢東引歷歲修防俱在神馬一

亦移設其草來桓用河夫採

民不受累頗稱良沃唯是舊設廠書一名廠夫四名司登記守望之役

鼎革後工食裁免始用堡夫代爲看守此輩皆濱河貧民家無斗筲頗以此妨其農業甚苦患之牧斯邑者俟封土漸闢賦額如故仍應力請設立廠役以蘇苦累

今夫載堤廠者志河防也河自周漢再徙砮礮屢潰金堤唐宋恒遷隄以避之其最易決者無如開封南北岸蓋黃河上經龍門砥柱山險夾流下至呂梁二洪有東北諸山防捍惟至開封封邱等處衆河畢會

封邱縣志

卷一

二十一

勢甚洶湧而土性又薄疏易潰故防禦爲甚艱耳大率築堤宜審地形高下水勢利病衰廣虛實預爲築塞則堅而可恃若待河水瀑漲霖雨不止浮壤淖漬雖丁壯數千無可措手至捲埽之弊更難枚舉舊日廠役利用梢草欲盡名日下埽實則委芻實河無裸實用近查革此弊巡行覈實更議捲埽一法以備後

忠云

捲埽法用竹絡長二三丈高一丈實以小石雜以薪芻踏實推捲成埽量水淺深制埽小大

索及管心索或徑寸或三十許縱橫細束掛於鐵猶穴之上用丁夫數百漸推岸下河流洶湧惟石埽則不可冲去非竹則亦石漢河堤使者王元時漕運使賈魯捲埽築堤多用此法獲

石則易以磚無竹則易以木制變在八善此猶有壘歸臺縛方舟安大凡諸注

難以備載 治者已廣籌而預圖之
永無後患

按近日塞泱法不復用竹絡磚石大約以柳栢數千束
外裹以芟 草役夫千人而上始克推挽大王廟
口之役有推埽高室三丈餘長至二十餘丈者每埽
佔議物料約費千金既推岸下徃徃以水勢浩悍絕
維而去亦有釘大椿數道仍浮出與波俱逝者盖埽
大而河勢攻之愈力雖貫以繩索三面繫之猶拉枯
朽罔成績也後賴挑濬引河水勢分殺始克堵塞近
議捲埽仍以一丈爲度不特事省力易卽間有衝失
亦不至過費金錢誠良策也至於柳梢一項每至河
工亟需價輒騰踊而採運收支之弊有不能盡述者
留心河務之人可不曲思所以變通乎

塚墓

翟母墓在縣內保和街今縣治西舊墓北有祠漢高帝厄
楚時餒甚毋嘗饋食及帝業成母已逝乃封其墓
置封邱縣縣之得名以此

按翟母墓近在城坊而故址湮滅不可復問意當時

高封識坵隴間應有華表碑 之屬而世遠莫考今

唯有里門古井相傳焉嫗家舊

百里嵩墓在縣東五里廟岡村漢徐州刺史邑人百

里嵩葬此

嵩所至 垆霖輒降 邑人立廟祀之 廟卽在墓前

按百里刺史歷官多善政今墓及神道碑尚存而廟祀莫爲修舉此亦弔古者所歎噓也

王百當墓在縣西北二十里唐王百當葬此

舊有神道碑

按百當爲李密謀主後密歸唐復叛遂爲盛彥師所執而百當以功名終是其智過邢公矣遺墓樵牧弗禁能無慨然

韓圻在縣東十五里世傳宋韓丞相墓

志遺其名史無可考

久廢無可考

韓馮妻息氏墓在縣東北二十五里青陵社韓馮妻

封邱縣志

卷一

一一一

息氏見執於康王不從投臺下死韓馮亦自殺同葬

此地

唐商隱反近代弔息氏詩見後藝文志

按息氏塚雖相傳在青陵社而屢遭河患無可復考苟懷芳烈者過墟生哀則建祠數楹以慰貞魄似不可已也

完顏君用墓在縣北西吳村

舊有神道碑

按完顏氏係金宗姓君用以武功食邑於封故卒葬縣境今墓雖廢故碑尚存前志載此亦以表封俗之厚不因興廢爲成毀也

澤園在縣邑

義塚舊縣西有二南門外有一計地十畝萬歷二年知縣胡以祚置萬歷四十年知縣張鯉復置義塚四一在三里庄一在劉光集一在荆隆口一在郭家庄皆立石碑界

以上義塚皆河決後蕩然莫辨今議選高阜處另置數區以澤枯骨

夫人形生不過百年而姘節媿名則歷千百世而不朽舍陵墓將奚識哉古志士仁人義夫烈婦貞魂沉於斷隴正氣宿於河山令人瞻墟起敬式墓興思慷慨悲歎恨不能起泉壤而親炙之陵墓胡可泯也至

窮魂旅魄時或暴骨原野亦未免有虧至仁預頡天和故惠政矜卹下逮髑體乃體物不遺之深恩也封土濱河平行世受水患卽故家大族其先世坵隴但不能盡識矧數千年陵谷滄桑之後衣冠中絕典祀無人而欲死士之壠永禁芻蕘貞女之塋弗替汛掃此實難耳夫茫茫原隰金石銷沉易世之後將園陵杯土有不可復問者矣唯志其人復志其地則九不可作猶尚論者所考衷也至於漏澤數區非高阜遠河之地不定永安暴

德者共圖之